

UNITED NATIONS  
INTERNATIONAL CRIMINAL TRIBUNAL  
FOR THE FORMER YUGOSLAVIA

CHURCHILLPLEIN 1, P.O. BOX 13888  
2501 EW THE HAGUE, THE NETHERLANDS  
TELEPHONE: +31 70 512-5000  
FAX: +31 70 512-8637



NATIONS UNIES

TRIBUNAL PÉNAL INTERNATIONAL  
POUR L'EX-YUGOSLAVIE

CHURCHILLPLEIN 1, B.P. 13888  
2501 EW LA HAYE, PAYS-BAS  
TELEPHONE: +31 70 512-5000  
FAX: +31 70 512-8637

**Predmet br. IT-09-92-PT**  
*Tužilac protiv Ratka Mladića*

JAVNO

**ODLUKA**

**SEKRETAR SUDA,**

**IMAJUĆI U VIDU** Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

**IMAJUĆI U VIDU** Pravilnik o postupku i dokazima, koji je Međunarodni sud usvojio 11. februara 1994. godine, s naknadnim izmjenama i dopunama (dalje u tekstu Pravilnik), a posebno pravila 44 i 45 Pravilnika;

**IMAJUĆI U VIDU** Uputstvo za dodjelu branjoca po službenoj dužnosti, koje je Međunarodni sud usvojio 28. jula 1994. godine, s naknadnim izmjenama i dopunama (dalje u tekstu: Uputstvo), a posebno članove 11(B), 14(C), 16(C) i 16(D) Uputstva;

**IMAJUĆI U VIDU** Profesionalni kodeks branilaca koji postupaju pred Međunarodnim sudom (dalje u tekstu: Profesionalni kodeks), a posebno članove 9 i 14 Profesionalnog kodeksa;

**IMAJUĆI U VIDU** da je g. Ratko Mladić (dalje u tekstu: optuženi) 31. maja 2011. godine prebačen u sjedište Međunarodnog suda;

**IMAJUĆI U VIDU** da je 1. juna 2011. godine, u skladu s pravilima 45 i 62(B) Pravilnika, sekretar imenovao g. Aleksandra Aleksića, advokata iz Srbije, za dežurnog branjoca optuženog, u svrhu njegovog prvog stupanja pred sud i, po potrebi, rješavanja drugih pitanja dok se ne imenuje stalni branilac;

**IMAJUĆI U VIDU** da je optuženi zatražio da mu se, na osnovu članova 7 i 8 Uputstva, dodijeli branilac kojeg će plaćati Međunarodni sud, zbog toga što nema dovoljno sredstava da sam plati branjocu;

**UZIMAJUĆI U OBZIR** da je 22. jula 2011. godine, postupajući po članu 11(B) Uputstva, zamjenik sekretara imenovao g. Branka Lukića, advokata iz Srbije, za

glavnog branioca optuženog na period od 120 dana, utvrdivši da je neophodno da branilac bude privremeno imenovan kako bi se obezbijedilo da pravo optuženog na branioca ne bude ugroženo dok Sekretarijat razmatra da li je optuženi u mogućnosti da sam plati branioca;

**UZIMAJUĆI U OBZIR** da je 18. novembra 2011. godine, v. d. zamjenika sekretara produžio imenovanje g. Lukića kao branioca optuženog, na period od još 120 dana, počev od 19. novembra 2011. godine;

**UZIMAJUĆI U OBZIR** da Sekretarijat provodi istragu o sposobnosti optuženog da sam plati branioca i da je ta istraga još uvijek u toku;

**UZIMAJUĆI U OBZIR** da je 15. decembra 2011. godine g. Lukić podnio zahtjev za da se g. Miodrag Stojanović, advokat iz Bosne i Hercegovine, imenuje za njegovog subranioca;

**IMAJUĆI U VIDU** član 16(C) Uputstva, koji predviđa da sekretar, u interesu pravde, na zahtjev glavnog branioca, može dodijeliti drugog branioca kao pomoć u odbrani optuženog;

**UZIMAJUĆI U OBZIR** da je g. Stojanović prethodno zastupao g. Dragana Jokića (predmet br. IT-02-60) i g. Ljubomira Borovčanina (predmet br. IT-05-88) u postupcima na ovom Međunarodnom sudu;

**UZIMAJUĆI U OBZIR** da je u dopisu od 20. decembra 2011. godine sekretar izrazio zabrinutost po pitanju potencijalnog sukoba interesa uslijed toga što g. Stojanović podliježe trajnoj obavezi lojalnosti bivšim klijentima, i zatražio od njega da Sekretarijatu izloži svoje mišljenje po tom pitanju;

**UZIMAJUĆI U OBZIR** da je 22. decembra 2011. godine g. Stojanović podnio pismeni podnesak u kojem se govorio o pitanju eventualnog sukoba interesa uslijed toga što je ranije zastupao druge optužene na ovom Međunarodnom sudu;

**UZIMAJUĆI U OBZIR** da g. Stojanović ispunjava sve uslove da bi se mogao kvalifikovati za branioca prema članu 45 Pravilnika, ali da ne ispunjava kriterijum vladanja jezikom iz pravila 44(A)(ii) Pravilnika;

**IMAJUĆI U VIDU** da član 16(D) Uputstva predviđa da, ukoliko to nalažu interesi pravde, sekretar može dodijeliti subranioca koji ne govori nijedan od dva radna jezika Međunarodnog suda, ali koji govori maternji jezik osumnjičenog ili optuženog;

**UZIMAJUĆI U OBZIR** da je 28. decembra 2011. godine sekretar zatražio od g. Branka Lukića da dostavi daljnje informacije o tome zašto bi u ovom konkretnom slučaju bilo u interesu pravde da se odustane od uslova vladanja jezikom;

**UZIMAJUĆI U OBZIR** da je g. Lukić 11. januara 2012. godine sekretaru podnio pismeni odgovor na taj zahtjev;

**UZIMAJUĆI U OBZIR** argumente g. Lukića da g. Stojanović, koji je trenutno dodijeljen timu odbrane kao osoblje za podršku, posjeduje jedinstvenu ekspertizu i znanje, koji su od velikog značaja za pripremu teze odbrane, kao i da svojim radnim iskustvom dopunjuje njegovo iskustvo kao glavnog branioca, što su značajni faktori za donošenje odluke sekretara na osnovu člana 16(D) Uputstva;

**UZIMAJUĆI U OBZIR** da je Prvostepena presuda u predmetu protiv g. Ljubomira Borovčanina (predmet br. IT-05-88) donesena 10. juna 2010. godine, da nije podnesena najava žalbe i da je 20. februara 2012. godine g. Borovčanin dostavio pismenu saglasnost za predloženo imenovanje njegovog bivšeg branioca;

**UZIMAJUĆI U OBZIR** da se sekretar, na osnovu svih predočenih informacija, uvjerio da je u ovom predmetu u interesu pravde da se, kad je riječ o g. Stojanoviću, odustane od uslova vladanja jezikom, kako bi on mogao biti imenovan za subbranioca;

**UZIMAJUĆI U OBZIR** da je g. Stojanović izjavio da je voljan da bude dodijeljen kao subranilac g. Lukića;

**OVIM ODLUČUJE** da dodijeli g. Stojanovića kao subbranioca g. Lukića, pri čemu ova odluka stupa na dan donošenja.

/potpis i pečat na originalu/  
za Johna Hockinga,  
sekretara

Dana 23. februara 2012. godine  
U Haagu,  
Nizozemska